



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-178-3/24**
Datum: **27.05.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „PRETIS“ d.d. Vogošća, Sarajevo, za donošenje rješenja o vodnoj dozvoli za ispuštanje tehnoloških otpadnih voda sa lokacije objekata za proizvodnju oružja i municije, izgrađenih u ulici Igmanska bb, općina Vogošća, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06), i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „PRETIS“ d.d. Vogošća, Sarajevo, daje se vodna dozvola za ispuštanje tehnoloških otpadnih voda sa lokacije kompleksa pogona za proizvodnju oružja i municije, izgrađenih na zemljištu označenom kao k.č. broj 1068/2 i 1068/3 K.O Vogošća (z.k. stanje), što odgovara k.č. broj 2751/73 i 2751/74 K.O. Vogošća (kat.stanje), u ulici Igmanska bb, općina Vogošća, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod sljedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da pravno lice „PRETIS“ d.d. Vogošća, izgrađene objekte za proizvodnju oružja i municije održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.3. Da se na svim ispustima (izlazi iz proizvodnih pogona), a prije ispuštanja u kanalizacioni kolektor, redovno vrši mjesečni monitoring otpadne vode iz okna za monitoring, shodno članu 19. stav (2), (3) i (4) i člana 20. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20 i 1/24), te pojedinačne izvještaje dostaviti Agenciji, u skladu sa članom 23. iste Uredbe. Sastavni dio elaborata treba da bude pregledna geodetska situacija sa ucrtanim pogonima i pratećim sadržajima te ucrtanim tokovima tehnoloških otpadnih voda do mjesta ispusta u kanalizacioni kolektor i naznačenim mjestima za vršenje monitoringa.
 - 3.4. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/3, 26/14, 15/17, 23/17 i 41/20).
 - 3.5. Da se, nakon izrade Elaborata o provedenom monitoringu, na osnovu utvrđenih pokazatelja o količinama i sastavu tehnološke otpadne vode u sistemu proizvodnje, poduzmu sve neophodne mjere kako bi pa parametri kvaliteta istih bili dovedeni na nivo dozvoljenih graničnih vrijednosti datih u Prilogu Uredbe o uslovima ispuštanja otpadnih voda u okoliš i sisteme javne kanalizacije.
 - 3.6. Ukoliko Vlada kantona propiše dodatne (strožije) uvjete, od uvjeta definisanih u Prilogu Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obaveznoj istoj izmijeniti.

- 3.7. Da se sanitarna otpadna voda, prikuplja i tretira odvojeno od tehnoloških otpadnih i oborinskih voda.
 - 3.8. Vlasnik, odnosno korisnik pogona za proizvodnju je obavezan da izgrađene objekte, a čija svrha je prikupljanje, odvođenje i prečišćavanje otpadnih voda iz istih, redovno održava i koristiti na način koji će obezbijediti njihovu potpunu ispravnost i funkcionalnost.
 - 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.11. Ukoliko tokom korištenja proizvodnih pogona dođe do promjene primjenjenih tehnologija, što za posljedicu može imati promjene u kvalitativno-kvantitativnim karakteristikama tehnoloških otpadnih voda ili dođe do promjene u načinu njihovog ispuštanja, korisnik objekta je dužan da podnese zahtjev za izdavanje vodnih akata nadležnom organu.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „PRETIS” d.d. Vogošća, Sarajevo zahtjevom se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije kompleksa pogona za proizvodnju oružja i municije, izgrađenih na zemljištu označenom kao k.č. broj 1068/2 i 1068/3 K.O Vogošća (z.k. stanje), što odgovara k.č. broj 2751/73 i 2751/74 K.O. Vogošća (kat.stanje), u ulici Igmanska bb, općina Vogošća, Sarajevo.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu broj: 065-0-RegZ-24-002912 dana 12.03.2024. godine;
- Kopija Uvjerenja o poreznoj registraciji izdatoj od Porezne uprave Kantonalni ured Sarajevo od 13.03.2007. godine;
- Kopija Uvjerenja o registraciji/upisu u Jedinostveni registar obveznika indirektnih poreza broj: 04/1-UPP/1-7896/07 od 01.08.2007.godine, izdata od strane Uprave za indirektno-neizravno oporezivanje Banja Luka;
- Kopija Obavještenja o razvrstavanju pravnog lica prema klasifikaciji djelatnosti, izdato od strane Službe za statistiku za područje Kantona Sarajevo broj: 07-32.5-33585/16 dana 29.12.2016. godine;
- Punomoć zastupnika podnosioca zahtjeva;
- Kopija Rješenja o prenosu prava raspolaganja na zemljište;
- Kopija Rješenja kojim se utvrđuje da su objekti na predmetnom zemljištu državne svojine i da ispunjavaju sve tehničke uslove za upotrebu, donesenog od strane Službe za imovinsko-pravne, stambene poslove, obnovu i razvoj, broj: 06-31-5180/99-1 od 17.04.2002. godine;
- Kopija Zemljišnoknjižnog izvadka;
- Kopija Posjedovnog lista broj 1315;
- Kopija katastarskog plana broj 35;
- Kopija Rješenja o vodnoj dozvoli donesenog od strane Agencije za vodno područje rijeke Save broj:UP-I/25-3-40-022-3/19 dana 24.04.2019. godine;
- Kopija Rješenja o VD donesenog od strane Ministarstva privrede Kantona Sarajevo, broj: 07-05-25-12821/18 dana 21.10.2021. godine;
- Kopija Rješenja o oklišnoj dozvoli donesenog od strane Federalnog ministarstva okoliša i turizma broj: UP-I-05/2-02-19-5-139/20 dana 29.04.2021. godine;
- Kopija saglasnosti za priključak na kanalizacionu mrežu, date od strane „BAGS-ENERGOTEHNIKA“ d.d. Vogošća Sarajevo, broj: 1424-11/11 dana 23.11.2011. godine;
- Kopija saglasnosti za priključak na vodovodnu mrežu, date od strane „BAGS-ENERGOTEHNIKA“ d.d. Vogošća Sarajevo, broj: 1423-11/11 dana 23.11.2011. godine;
- Kopija ugovora o isporuci pitke vode sklopljen sa „BAGS-ENERGOTEHNIKA“ d.d. Vogošća broj: 54-10/06 u oktobru 2006. godine;
- Kopija izmjena i dopuna izvještaja broj: 7-173-2148/23 o utvrđivanju tereta zagađenja otpadnih voda izraženog preko EBS-a, urađenog od strane „TQM“ d.o.o. Lukavac april 2023. godine;
- Kopija Izvještaja o monitoringu kvaliteta i kvantiteta otpadnih voda, urađenog od strane „TQM“ d.o.o. Lukavac, februar 2024. godine;
- Kopija zbirnog izvještaja o monitoringu kvaliteta i kvantiteta otpadnih voda za 2023. godinu, urađenog od strane „TQM“ d.o.o. Lukavac decembar 2023. godine;
- Operativni plan u slučaju akcidenata na vodama i obalnom vodnom zemljištu „PRETIS“ d.d. Vogošća, Sarajevo, urađenog od strane „TQM“ d.o.o. Lukavac august 2021. godine;
- Kopija Ugovora sklopljenog sa „KEMEKO-BH“ d.o.o. Lukavac za zbrinjavanje svih vrsta otpada na ekološki prihvatljiv način, novembar 2022. godine;
- Investiciono-tehnička dokumentacija za prikupljanje, tretman i ispuštanje tehnoloških otpadnih voda – PRETIS d.d. Vogošća, urađen od strane „Zavod za vodoprivredu“ d.d. Sarajevo, februar 2017. godine;
- Dokaz o uplati upravne pristojbe.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-178-2/24 dana 17.05.2024. godine. Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Kompleks „PRETIS“ d.d. Sarajevo smješten je u industrijskoj zoni „UNIS-Vogošća“ u ulici Igmanska bb, Vogošća.

U sklopu kompleksa se nalazi objekat upravne zgrade – Razvoj, u kojem se obavljaju administrativni poslovi, objekat Mehanički pogon – TDM i MOZ, gdje se odvijaju proizvodni procesi tople deformacije materijala (kovanje i termička obrada), zatim mehanička obrada (struganje, glodanje, bušenje, brušenje) i proces površinske zaštite materijala (elektrohemijska zaštita materijala površinske zaštite – PZ) sa pratećim objektom magacinskog prostora, te objekti u pirotehničkom dijelu (KONES), gdje se odvija proces kompletiranja laboracijom vojnih artikala i municije, zatim presovanje eksploziva, livenje i frezovanje eksploziva, laboracija-delaboracija i demilitarizacija municije, objekat magacinskog prostora i opitni poligon - ispitni tunel.

Navedeni objekti su upisani u zemljišno-knjižni izvadak broj 65 i 88, K.O. Gornja Vogošća i to:

- Upravna zgrada – Razvoj na zemljištu označenom kao k.č. broj 1032/33 K.O. Gornja Vogošća; Mehanički pogon TDM na zemljištu označenom kao k.č. broj 1068/3 i 1068/2 – pogon kovnice TDM, k.č. broj 573/8 – mehanički pogon MOZ, k.č. 1068/24 – HDM, magacini na k.č. 1068/17 i 1068/16.
- Lokacija KONES-a se sastoji iz tri lokacije: Pogon pirotehnike – na zemljištu označenom kao k.č. 573/12, k.č. 573/14, 573/20, 573/15, 573/17, 573/16, 573/34, 573/21, 573/28, 573/31, 573/25, 573/19, 573/41, 573/40, 117/61, 573/22, 573/9, 574/39, 574/38, 574/33, 117/66, 573/42 i 122/193.
- Lokacija magacina u KONES-u koji se bez napajanja vodom - na zemljištu označenom kao k.č. broj 573/43, 117/90, 117/81, 117/84, 117/83, 235/3, 236/2, 184/15, 184/18, 186/2, 240/1, 240/2, 256/1, 256/2, 256/3, 256/4, 256/5, 270, 260/10, 260/11 i 573/42.
- Opitni poligon je na zemljištu označenom kao k.č. broj 260/1, 254/2, 260/5, 117/51, 177/52, 260/3, 250/1 i 268/1.

Tehnološke otpadne vode nastaju u objektu mehaničkog pogona – TDM u procesu prerade i obrade materijala – čelika, koje se bez prečišćavanja prikupljaju i odvođe do priključka na lokalni kolektor otpadnih voda, kojim upravlja „BAGS-ENERGOTEHNIKA“ d.d. Vogošća, koji ne posjeduje vodnu dozvolu.

U projektnoj dokumentaciji dostavljenoj uz zahtjev (Investiciono-tehnička dokumentacija za prikupljanje, tretman i ispuštanje tehnoloških otpadnih voda – PRETIS d.d. Vogošća, urađen od strane „Zavod za vodoprivredu“ d.d. Sarajevo, februar 2017. godine) konstatovano je, a na osnovu rezultata ispitivanja tehnoloških otpadnih voda (Izveštaj o rezultatima ispitivanja kvantitativnih karakteristika efluenta sa programom praćenja stanja voda (monitoring) za tvornicu „PRETIS“ d.d. Vogošća-Sarajevo, urađen od strane ZAGREBINSPEKT d.o.o. Mostar, mart, juni i august 2018. godine), da nema potrebe za tretmanom tehnoloških otpadnih voda i da parametri na ispustu zadovoljavaju granične vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.

U izvještaju o monitoringu kvaliteta i kvantiteta otpadnih voda, urađenog od strane „TQM“ d.o.o. Lukavac, februar 2024. godine, utvrđeno je da mjereni parametri na ispustu iz TDM-a zadovoljavaju granične vrijednosti emisije propisane Uredbom o uslovima ispuštanja otpadnih voda u okoliš i sisteme javne kanalizacije („Sl. novine FBiH“ broj: 26/20, 96/20 i 01/24).

Na osnovu dostavljene projektne dokumentacije, utvrđenog činjeničnog stanja i uvida izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu („Službene novine Federacije BiH“, broj 71/09 i 102/18) korisniku predmetnog objekta utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata

Haris Alisehović, dipl. inž. građ.

PRILOG: Investiciono-tehnička dokumentacija za prikupljanje, tretman i ispuštanje tehnoloških otpadnih voda – PRETIS d.d. Vogošća, urađen od strane „Zavod za vodoprivredu“ d.d. Sarajevo, februar 2017. godine

Dostaviti:

- „PRETIS“ d.d. Vogošća, Igmanska bb, 71320 Vogošća Sarajevo (sa prilogom)
- ① AVP Sava, ISV – Vodna knjiga
- Sektor 50
- Sektor 40, arhiva
- Oglasna tabla AVP-Sava Sarajevo